



■麥包(左)與祥仔坦言拍《江湖見》雖然辛苦，但看見不少美景後，都覺非常值得。

祥仔吸氧氣保命 現高山反應

與麥包穿州過省拍《江湖見》

■台前幕後都希望《江湖見》收視好，再拍第二輯。



■兩人跟隨武俠小說走訪內地多個景點。

視帝黎耀祥(祥仔)和麥長青(麥包)早前走訪內地多個省份拍旅遊節目，兩人自嘲「老嘢」，去旅行要特別小心，自爆到海拔高的地方時出現高山反應，要吸氧氣才可繼續拍攝，慶幸最終沒有大礙，安全返港。

黎耀祥和麥包昨日到將軍澳電視城出席無線全新旅遊節目《江湖見》，會上率先播出節目精彩片段，見二人走訪金庸武俠小說中的著名景點，前後穿梭8大省和20多個城市，包括陝西、浙江、福建和貴州等，體驗當地的風土民情和飲食文化。

祥仔說：「我哋斷斷續續拍咗3個月，每次去兩三個省，拍3個星期就返香港休息一兩星期再出發，總共拍咗50幾組，等如拍咗一部20集嘅劇集，但《江湖見》只有15集，每集半小時，就知道內容會好精彩。」祥仔與麥包表示最辛苦是舟車勞頓，因為花很多時間在交通上，有些拍攝地方的路程很遠，其中去到高海拔的地方更出現高山反應，要吸氧氣樽紓緩：「大家年紀都大，兩個老嘢去旅行要小心謹慎！但哋都叫我哋第一晚去到唔好沖涼洗頭，抹吓身就算。」

重遊大理 截然不同

問到最難忘去哪個景點拍攝？兩人不約而同表示最難忘當年到大理拍《西遊記》，現在重遊舊地已截然不同。麥包說：「27年前我哋去拍劇，沿途都係沙塵滾滾嘅泥路，兩邊只係平房同賣冬蟲草嘅地攤，當時有咁多人識得冬蟲草，如果早知就應該要大手入貨。」問到會否開拍第二輯？兩人都稱要看觀眾反應，因他們仍有很多地方想去。記者提議他們趁電影《哪吒之魔童鬧海》熱潮，可以走訪電影中的地方，祥仔笑言：「都可以，今次我哋都有去錢塘江睇大潮，或者下次我哋可以去東海龍宮睇『三太子』。」

何沛珈 阮浩棕擺正牌放閃

無綫小花何沛珈與應屆《萬千星輝頒獎典禮2024》「飛躍進步男藝員」阮浩棕傳緋聞，兩人曾表示了解中。前日何沛珈突然在社交網公開合照放閃，惹來官宣拍拖疑雲！她接受傳媒訪問時否認放閃，只是一齊出席品牌活動，與阮浩棕齊戴上潮牌眼鏡影相。

何沛珈開心稱很滿意酬勞，希望將來有更多機會合作：「今次真係破天荒第一次，平時我都係自己影，第一次有拍檔，仲要呢個拍檔好受歡迎。當日好搞笑，我哋去呢間鋪頭影相，啲店員仲要係男仔，話好鍾意佢(阮浩棕)，因為好鍾意睇佢演嘅《異空感應》。」問到兩人是否已「了解」完畢？她笑言仍在了解階段：「希望有更多工作畀機會我哋繼續了解。」



■阮浩棕與何沛珈外形合襯。



■何沛珈輕托眼鏡，非常嬌俏。

■黎展峯感激粉絲無私支持。



黎展峯馬拉松式慶生

英皇歌手黎展峯(Andy)本月27歲生日，日前下午與「黎膠」(粉絲暱稱)在生日Cafe慶祝，晚上則BBQ，實行馬拉松式慶生。已第二年跟粉絲慶祝的Andy表示很感恩：「由上年人數開到兩爐，到今年開到八個爐，對我嚟講係一個好好嘅機會去報答大家，因為呢半年辛苦大家每次去公司Concept Store聽我唱歌，由夏天聽到冬天，日曬雨淋！」問到有何生日願望？他說：「希望今年養成早睡早起、食多啲生果嘅習慣，等個人變靚啲。」

王鶴棣咀田曦薇傳捷着

由王鶴棣、田曦薇、劉奕君、晏紫東等主演的無綫外購新劇《大奉打更人》前晚首播，主題曲《劇本殺》則由「聲夢」歌手張馳豪主唱。《大》劇除了有大量刺激的武打場面外，當然少不了男女主角的浪漫愛情故事。「陸劇男神」王鶴棣與「流量女星」田曦薇的高顏值CP組合，上演一場現代少年捕快與大奉元景帝女兒臨安公主的愛情故事，配合可愛、輕鬆又搞笑的劇情，娛樂性



■王鶴棣與田曦薇拍劇期間傳緋聞。

非常豐富。兩人拍攝期間傳緋聞，於劇中一場接近60秒的激吻戲，不少網民都覺得兩人假戲真做。